

# Pegawai tadbir IPTA sertai program khidmat komuniti

**BERBAKTI.** Seramai 50 orang pegawai tadbir yang mewakili lima buah institusi pengajian tinggi awam (IPTA) di negara ini menyertai Program Khidmat Masyarakat di Kampung Mercang, Marang, Terengganu baru-baru ini.

Mereka terdiri daripada kakitangan Universiti Sultan Zainal Abidin (UniSZA), Universiti Malaysia Sarawak, Universiti Kebangsaan Malaysia, Universiti Teknologi Mara (UiTM) dan Universiti Malaysia Perlis.

Program itu anjuran Majlis Persatuan Pentadbir Institusi Pengajian Tinggi Awam Persatuan (Masti) dengan

kerjasama Persatuan Pegawai Pengurusan dan Profesional UniSZA (Kemudi).

Pengerusi Persatuan Pentadbir UiTM, Nor Hashimah Rahmat berkata, pegawai tadbir di IPTA memainkan peranan besar dalam pembangunan sektor pentadbiran di universiti dan komuniti setempat di bawah tanggungjawab sosial korporat (CSR).

"Dalam hal ini, Masti mengambil langkah untuk memberi sumbangan kepada masyarakat melalui program bersama komuniti setempat termasuk menanam kelapa pandan di pesisir pantai Mercang," katanya.



PARA pegawai tadbir daripada institusi pengajian tinggi awam bergambar selepas menyertai program Khidmat Masyarakat di Kampung Mercang, Marang, Terengganu baru-baru ini.